



Vasina di Riforsu kóntra COVID-19 Perguntas Frikuenti

Bu tene perguntas sobri vasina di riforsu kóntra COVID-19?
Atxa bus rispósta dibaxu y vizita mass.gov/CovidVaccine

Pamódi ki N meste toma vasina di riforsu kóntra COVID?

Vasina kóntra COVID-19 é altamenti ifikás, má sima txeu vasina, ta meste un riforsu pa garanti másimu di pruteson au longu di ténpu. Vasina di riforsu kóntra COVID-19 ta da inda más pruteson kóntra vírus y ses varianti. Resebe un vasina di riforsu ta aumenta kapasidadi di bu korpu konbate vírus.

Kal vasina di riforsu ki sta disponível?

Vasina di riforsu di Pfizer, Moderna, y Johnson & Johnson sta disponível gósi. Es tudu é siguru, di grasa y ifikás.

Kuzê ki N meste leba pa toma vasina di riforsu?

Bu ka meste dukuméntu di identifikason, seguru di saúdi nen karton di vasina pa toma vasina di riforsu kóntra COVID. Má, si bu leba bu karton di seguru di saúdi y karton di vasina, kel-la pode ser útil pa bu konsulta ser más rápidu pusível.

Dja txiga óra pa N toma vasina di riforsu?

Vasinas di riforsu ta oferece maior pruteson kóntra COVID-19, y tudu algen ki ta kualifika debe toma vasina di riforsu. Bu ta kualifika pa resebe un vasina di riforsu si dja bu ten 18 anu y dja pasa 6 mês ki bu tomaba segundu dózi di Moderna, si dja bu ten 16 anu y dja pasa 6 mês ki bu tomaba segundu dózi di Pfizer, ô 2 mês ki bu tomaba dózi úniku di Johnson & Johnson.

Kal vasina di riforsu ki N debe skodje?

Tudu vasina di riforsu é ifikás y, di akordu ku orientason di CDC y FDA, bu pode misturá-s y kombiná-s. Si bu tene dúvida sobri vasina di riforsu, fala ku prufisional di saúdi.



Sabe más na:
mass.gov/CovidVaccine

**VASINA
TA SALVA
VIDA**

